



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.502/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi Bajraktari-kryetare, Jeton Koca dhe Eshref Shabani-anëtarë, me Zyle Millaku Gojnovci-Zyrtare e Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.502/2022 të datës 06.06.2022, e parashtruar nga ankuesi [redacted] me adresë [redacted] kundër organit të punësimit Komunës së Obiliqit, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 20.07.2022, mori këtë:

V E N D I M

REFUZOHET si e pa bazuar ankesa me numër Anr.502/2022 e datës 06.06.2022, e parashtruar nga ankuesi [redacted]

A r s y e t i m

Komuna e Obiliqit, sipas njoftimit të datës 09.12.2021 ka shpallur konkursin e jashtëm për grupin „Specialist të Arkivi-Dokumentacionit” për pozitën „Zyrtar për Arkiv 3”, me numër reference RN00007958 për afatin për aplikim nga data 31.12.2021 deri me datë 11.01.2022, duke u bazuar në dispozitat e nenit 34 paragrafi 2 dhe 3 të Ligjit Nr.06/L-114 për Zyrtarët Publikë dhe nenit 7 dhe 9 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës.

Ankuesi [redacted] ka aplikuar në konkursin e shpallur nga Komuna e Obiliqit, i publikuar sipas njoftimit të datës 09.12.2021, për grupin „Specialist të Arkivi-Dokumentacionit” për pozitën „Zyrtar për Arkiv 3”, në Drejtorin e Administratës së Përgjithshme me numër referencës RN00007958, me datë 31.12.2021, në të cilën procedurë ankuesja ka qenë e përfshirë në të gjitha fazat e rekrutimit dhe pas intervistës me gojë, ankuesi është njoftuar me datë 29.04.2022 lidhur me pikët e arritur, gjithsejtë 71.7 pikë, duke u renditur i treti në listën përfundimtare.

I pa kënaqur me rezultatin e datës 29.04.2022, ankuesi me datë 04.05.2022 ka parashtruar ankesë tek Komisioni për pranim, me pretendime ankimore se që të anulohet vlerësimi i pikëve të biografisë për të gjithë kandidatët sepse tek kriteret e konkursit nuk është kërkuar përvojë e punës dhe kualifikime të posaçme, po ashtu ai pretendon si komisioni i pranimit nuk i ka bërë vlerësim real

dhe të drejtë ne intervisten me gojë dhe kërkon që të rishikohen edhe njëherë përgjigjet e tij dhe vlerësimi.

Me datë 10.05.2022 Komisioni për vlerësim ka nxjerrë përgjigje në ankesë me numër XII/160 , duke arsyetuar se vlerësimi i Komisionit anulimi i vlerësimit të jetëshkrimit nuk mund të anulohet sepse është bërë në zbatim dhe pajtim me Rregulloren (QRK) Nr.16/2020 për Pranimin dhe Karrierën në Shërbimin Civil të Republikës së Kosovës dh vlerësimi i biografisë, vlerësimi i testit me shkrim dhe intervistes me gojë janë në kompetencë të komisionit i cili është i pavarura dhe vlerësimi bëhet në mënyrë individuale, duke e udhëzuar për të drejtën e ankesës në Këshillin e Pavarur Mbikëqyrës për Shërbimin Civil të Kosovës, brenda afatit ligjor.

Ankuesi i pa kënaqur me përgjigjen e datës 10.05.2022 ka parashtruar ankesë me datë 06.06.2022 në Këshillin e Pavarur Mbikëqyrës për Shërbimin Civil të Kosovës, kundër refuzimit të ankesës me të njëjtat pretendime që të anulohet vlerësimi i pikëve të biografisë për të gjithë kandidatët sepse tek kriteret e konkursit nuk është kërkuar përvojë e punës dhe kualifikime të posaçme, po ashtu ai pretendon si komisioni i pranimit nuk i ka bërë vlerësim real dhe të drejtë ne intervisten me gojë.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 16.06.2022, ka proceduar kërkesën për përgjigje në ankesë të ankuesit tek Komuna e Obiliqit. Ndërsa Këshilli me datë 27.06.2022 ka pranua nga Komuna e Obiliqit përgjigjen e protokolluar me numër: 3715/2022 përmes formës elektronike, dhe me datë 14.07.2022 Këshilli përmes zyrtarit të lartë për bashkëpunim profesional ka parashtruar kërkesë tek NBNJ-të të Komunës së Obiliqit, në mungesë të provave për procedurën e rekrutimit, i cila me datë 18.07.2022 ka bashkangjitur me shkresat e përgjithshme.

Ankesën me numër protokoll 23266/2022 të datës 06.06.2022 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Përgjigjen/vendimin me numër XII/160 e datës 10.05.2022; Konkurs i shpallur me datës 09.12.2022; Përgjigje në ankesë përmes e-mailit zyrtar i datës 27.06.2022 me numër protokoll 3716/2022 dhe me datës 24.06.2022 me numër protokoll XII/190; Email i datës 27.06.2022; Lista e aplikacioneve, të aprovuar dhe të refuzuar aplikacioni i nxjerrë nga SIMBNJ-së; Vendimi i datës 14.03.2022 me numër protokoll II-235; E-mail i datës 17.03.2022; E-mail i datës 13.04.2022; E-mail i datës 29.03.2022; Renditja përfundimtare e kandidatëve e datës 29.04.2022 e nxjerrë nga SIMBNJ-së; Rezultati përfundimtar me numër protokoll XII/156 i datës 29.04.2022; Ankesa e datës 04.05.2022 me numër protokoll 11275/2022; Aplikacioni i ankuesit i datës 01.11.2022; Diploma Nr.307 i datës 06.07.2012 i lëshuar nga Shkolla e Mesme Gjinnazi "17 shkurti", në Komunë të Obiliqit në drejtimin- Shkenca shoqërore; Aplikacioni i datës 05.01.2022 Diploma Nr.631 i datës 01.07.2015 i lëshuar nga Shkolla e Mesme Gjinnazi "17 shkurti", në Komunë të Obiliqit në drejtimin- Shkenca shoqërore; Diplomë nr.9365 i datës 19.09.2018 lëshuar nga Universiteti i Prishtinës "Hasan Prishtina-fakulteti Ekonomik; Vërtetim i datës 04.08.2021; Vërtetim i vitit 2021 lëshuar nga KQZ; Referencë e datës 03.08.2021.

Kolegji për shqyrtimin dhe vendosjen e ankesave, pasi ka shqyrtuar të gjitha shkresat e lëndës të parashtruara nga palët, ka konstatuar së pretendimet ankimore të ankuesit *është e pa bazuar,*

Kolegji për Shqyrtimin dhe Vendosjen e Ankesave, sipas shkresave të lëndës ka kontaktuar se Komuna e Obiliqit, sipas njoftimit të datës 09.12.2021 ka shpallur konkursin e jashtëm për grupin „Specialist të Arkivit-Dokumentacionit” për pozitën „Zyrtar për Arkiv 3”, me numër reference RN00007958 për afatin për aplikim nga data 31.12.2021 deri me datë 11.01.2022, duke u bazuar në dispozitat e nenit 34



paragrafi 2 dhe 3 të Ligjit Nr.06/L-114 për Zyrtarët Publikë dhe nenit 7 dhe 9 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës.

Ankuesi ka aplikuar në konkursin me numër referencë RN00007958, me emrin e grupit „Specialist të Arkivit-Dokumentacionit” për pozitën “Zyrtar për Arkiv 3”, e shpallur nga Komuna e Obiliqit sipas njoftimit datës 09.12.2021 për aplikim nga data 31.12.2021 deri me datë 11.01.2022, në të cilën procedurë ankuesi ka qenë i përfshirë në të gjitha fazat e rekrutimit.

Ankuesi në ankesën e parashtruar pranë Këshillit të Pavarur Mbikëqyrës për Shërbimin Civil të Kosovës, pretendon se gjatë këtij procesi ka pasur shkelje procedurale dhe ligjore, respektivisht ai pretendon se komisioni i pranimit nuk i ka bërë vlerësim real dhe të drejtë jetëshkrimit dhe pergjigjjeve të cilat i ka dhënë në intervistën me gojë.

Sipas konkursit me numër reference RN00007958, sipas njoftimit të datës 09.12.2021 i shpallur për aplikim nga data 31.12.2021, për grupin „Specialist të Arkivit-Dokumentacionit” për pozitën „Zyrtar për Arkiv 3”, në Komunën e Obiliqit, si kërkesa të përgjithshme formale janë përcaktuar si vijon:

• *Arsimi i kërkuar: Diplomë/a e shkollës së mesme apo ekuivalente me to, fusha e kërkuar e arsimit: Drejtësi /Histori/ letërsi arkivistik,*

Kolegji për Shqyrtimin dhe Vendosjen e Ankesave gjatë shqyrtimit të provave ka konstatuar se për këtë pozitë kanë aplikuar tridhjetë e katër(34) kandidatë, ndërsa në listën e ngushtë janë përzgjedhur tetë (8) kandidatë në mesin e tyre edhe ankuesi i cila e ka kaluar fazën e verifikimit dhe ka marrë pjesë në testin me shkrim, pasi që me datë 13.04.2022 është njoftuar se ka arritur gjithsejtë 57 pikë nga testi me shkrim dhe është ftuar për intervistë me gojë, pas mbajtjes së intervistës me gojë të datës 19.04.2022 ankuesi është vlerësuar nga Komisioni i pranimit në pajtim me nenin 16 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku është e përcaktuar se: “1.Vlerësimi i kandidatëve kryhet nga Komisioni i Pranimit. i themeluar në pajtim me nenin 17 dhe/ose përkatësisht neni 18 të kësaj Rregulloreje. 2.Vlerësimi i kandidatëve, përfshin, sipas radhës: 2.1. vlerësimin nëpërmjet një testimi me shkrim; 2.2. vlerësimin e jetëshkrimit /CV, dhe 2.3. vlerësimin nëpërmjet një interviste me gojë”, dhe pretendimet e ankuesit janë të pa bazuara pasi që në rastin konkret ankuesi me datë 29.04.2022 është njoftuar lidhur me pikët e përgjithshme të arritur me gjithsejtë 71.2 pikë, duke u renditur i treti në listën përfundimtare.

Lidhur me pretendimin ankimor të ankuesit i cili pretendon se gjatë këtij procesi ka pasur shkelje procedurale dhe ligjore gjegjësisht se komisioni i pranimit nuk i ka bërë vlerësim real dhe të drejtë jetëshkrimit dhe pergjigjjeve të cilat i ka dhënë në intervistën me gojë tek vlerësimi i jetëshkrimit sepse është vlerësuar me 8 pikë ndërsa është dashur të vlerësohet me 20 pikë, Kolegji për shqyrtimin dhe vendosjen e ankesave, konstaton se në bazë të nenit 22 paragrafit 1, 2 dhe 4 nën paragrafi 4.1, 4.2, dhe 4.3 të Rregullores (QRK) Nr. 16/2020 për Pranimin dhe Karrierën në Shërbimin Civil të Republikës së Kosovës, që ka përcaktuar se: “1.Pas testimit me shkrim, vlerësimi i kandidatëve vazhdon me vlerësimin e jetëshkrimit. 2.Vetëm kandidatët që kanë marrë të paktën dyzet (40) pikë në testimin me shkrim, i nënshtrohen vlerësimit të jetëshkrimit. 4.Vlerësimi maksimal për jetëshkrimin është deri në njëzet (20) pikë, të ndara, si vijon: 4.1. deri në tetë (8) pikë për cilësinë dhe nivelin të arsimimit; 4.2. deri në shtatë (7) pikë për përvojën domethënëse në punë; dhe 4.3. deri në pesë (5) pikë për trajnimet”, ndërsa Komisioni i Vlerësimit në bazë të dokumentacioneve ka bërë vlerësimin e jetëshkrimit për të gjithë kandidatët ku ankuesi është vlerësuar me gjithsejtë 8 pikë, konkretisht tek pjesa për cilësinë dhe nivelin e arsimimit ankuesi është vlerësuar me pikët maksimale, andaj në këtë rast pretendimi i ankuesit është i pabazuar sepse vlerësimi për këtë pjesë është bërë në mënyrë të drejtë. Ndërsa sa i përket pretendimit ankimor se komisioni i pranimit nuk i ka bërë vlerësim real dhe të drejtë pergjigjjeve të cilat i ka dhënë në intervistën me gojë, Kolegji konstaton se pretendimet

e ankuesit janë të pa qëndrueshme sepse ankuesi nuk ka arritur që të argumentoj me asnjë prova dhe dëshmi se Komisioni i ka bere vlerësim te padrejte ne krahasim me kandidatet e tjerë, respektivisht Kolegji për Shqyrtimin dhe Vendosjen e Ankesës se në bazë dëshmimeve te ofruar konkretisht Vendimit me numër protokolli II-235 të datës 14.03.2022 të Kryetarit të Komunës së Obiliqit ka konstatuar Komisioni për pranim në Komunën e Obiliqit është themeluar në pajtim me nenin 34 paragrafin 12, 13 dhe 14 të Ligjit Nr. 06/L - 114 për Zyrtarët Publikë dhe nenin 17 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, i cili konform këtyre dispozitave ligjore është i përgjegjës për zhvillimin e procesit të rekrutimit dhe se i njëjti është i pavarur sa i përket vlerësimit të kandidateve, po ashtu ne baze të përgjigjes në ankesë të Njesisë së Burimeve Njerëzore të Komunës së Obiliqit të 27.06.2022 dhe të datës 18.07.2022, është vërtetuar se të gjithë kandidatët në të gjitha fazat e rekrutimit janë vlerësuar drejtë dhe në pajtim me dispozitat ligjore nga verifikimi paraprak deri tek përzgjedhja përfundimtare gjegjësisht nga vlerësimi i përgjithshëm, vlerësimin nëpërmjet testimit me shkrim, vlerësimit të jetëshkrim, vlerësimit nëpërmjet intervistës me gojë dhe deri tek llogaritja e rezultatit përfundimtar, andaj Kolegji konstaton se vlerësimi i kandidateve është zhvilluar në pajtim me dispozitat ligjore të nenit 21 nenit 22, nenit 23 dhe të nenit 24 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës.

6

Kolegji, po ashtu ka konstatuar se Njësia e Burimeve Njerëzore në Komunën e Obiliqit me datë 29.04.2022 ka publikuar Renditjen përfundimtare me numër protokolli XII/156 lidhur me përfundimin e procedurës së rekrutimit për grupin *Specialist të Arkivit-Dokumentacionit* për pozitën „Zyrtar për Arkiv 3“, duke bërë renditjen përfundimtare sipas listës së rezultateve përfundimtare të tre kandidateve me mbi 70 pikët e arritura, ndërsa si kandidat i suksesshëm është përzgjedhur z. [] që ka arritur gjithsejtë 76.8 pikët e përgjithshme, andaj Kolegji konstaton se publikimi është bërë në pajtim me nenin 9 dhe paragrafin 2 të nenit 25 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku është theksuar se: *“2.Kandidatët që janë vlerësuar me shtatëdhjetë (70) pikë e më shumë, janë kandidatë fitues”*, dhe ankuesi është renditur i treti me gjithsejtë 71.2 pikët e përgjithshme, që në rastin konkret ankuesi në bazë të kësaj dispozite ka arritur mbi 70 pikët, por në raport me kandidatin e suksesshëm nuk ka arritur më shumë që të jetë i përzgjedhur si kandidat i parë, ose kandidati i përzgjedhur.

Kolegji për shqyrtimin dhe vendosjen e ankesave, ka shqyrtuar dëshmitë e ofruara dhe ka konstatuar se Komisioni i Pranimit me rastin e përzgjedhjes së kandidatit [] për grupin *Specialist të Arkivit-Dokumentacionit* për pozitën „Zyrtar për Arkiv 3“, në Komunën e Obiliqit si kandidat i cili ka grumbulluar me së shumti pikë të përgjithshme me gjithsejtë 76.8 pikët, ka vepruar në pajtim me nenin 21, 22, 23 dhe 24 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku përcaktohet se: *“.... nenin 24. Shuma e pikëve të përfituara nga se cili kandidat në se cilën nga hapat e vlerësimit, japin vlerësimin përfundimtar të kandidatit”*, duke përzgjedhur kandidatin e suksesshëm nga kjo procedurë e rekrutimit, i cili posedon Diplomë me numër me numër 9365 të datë 19.09.2018, të lëshuar nga Universiteti i Prishtinës “Hasan Prishtina” me të cilin dëshmohet se ka përfunduar Fakultetin Ekonomik ,Departamenti Ekonomiks me date 17.09.2018 dhe ka marr titullin Bachelor në Ekonomiks si dhe Diplomë me numër 631 të datës 01.07.2015, lëshuar nga Shkolla e Mesme e Lartë -Gjimnazi “17 Shkurti”, në Obiliq, me të cilin dëshmohet se ka përfunduar Shkollën e Mesme të Lartë ne profilin „Shkenca Shoqërore”.

Kolegji për shqyrtimin dhe vendosjen e ankesave, ka konstatuar se Zyra e Personelit në Komunë të Obiliqit, me rastin e publikimit të rezultateve përfundimtare sipas formularit të nxjerrë nga Komisioni për pranim lidhur me rezultatin përfundimtar me numër protokolli XII/156 të datës 29.04.2022 dhe Raportit të sistemit SIMBNJ-së të datës 29.04.2022 rezultateve finale për pozitën:

"Zyrtar për arkivë 3", ka vepruar në pajtim me dispozitat e Ligjit Nr.6/L-114 për Zyrtarët Publikë, Ligjit Nr. 05/L-031 për Procedurën Administrative dhe nenin 25 paragrafin 2 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës.

Kolegji për shqyrtimin dhe vendosjen e ankesave, ka konstatuar se Komisioni për pranim në Komunë të Obiliqit, me rastin e nxjerrjes së përgjigjes/vendimit me numër protokolli XII/160 të datës 10.05.2022 për ankesën e ankuesit të datës 29.04.2022, ka vepruar në pajtim me dispozitat Ligjit Nr. 06/L-114 për Zyrtarët Publikë dhe Rregullores (QRK) Nr. 16/2020 për Pranimin dhe Karrierën në Shërbimin Civil të Republikës së Kosovës, sepse është vërtetuar drejtë gjendjen faktike dhe juridike, me të cilin e ka refuzuar ankesën e ankuesit duke konstatuar se vlerësimi i biografisë, respektivisht jetëshkrimit dhe intervistes me gojë është bere në pajtim me Rregulloren (QRK) Nr.16/2020 për Pranimin dhe Karrierën në Shërbimin Civil të Republikës së Kosovës.

Andaj Kolegji për Shqyrtimin dhe Vendosjen e Ankesave, ka konstatuar se procedura e konkursit sipas njoftimit të datës 09.12.2021 e shpallur për aplikim nga datë 31.12.2021, për grupin „Specialist të Arkivit-Dokumentacionit” për pozitën „Zyrtar për Arkiv 3”, në Komunën e Obiliq, me numër reference RN00007958 është zhvilluar në pajtim me dispozitat ligjore të nenit 34 paragrafi 2 dhe 3 të Ligjit Nr.06/L-114 për Zyrtarët Publikë dhe nenit 7 dhe 9 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës

Kolegji për shqyrtimin dhe vendosjen e ankesës, pas shqyrtimit të shkresave të lëndës si dhe duke u bazuar ne nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.502/2022.

Zyle Millaku GOJNOVCI

Procesmbajtëse

Malsore GASHI BAJRAKTARI

Kryetare e Kolegjit

Vendimi i dorëzohet:

- Ankuesit
- Kryetarit të Komunës së Obiliqit;
- Udhëheqësit të Personelit në Komunën e Obiliqit dhe
- Arkivit të KPMSHCK- së;